

2514

祥雲文史資料

第二輯



中国人民政治协商会议祥云县委员会

祥云文史资料

第 二 辑

中国人民政治协商会议祥云县委员会

一九九二年十二月

封面设计:茶山青

封面题字:熊静华

祥云文史资料
第二辑

中国人民政治协商会议祥云县委员会

印刷:大理州电子印刷厂

开本:787×1092 1/32

字数:90000

印数:1500册

出版日期:1992年12月

云南省新闻出版局准印证299号

2A5/13

编 审	芮仰侯	严翠林	周宗荫
	曾祥溶	刘从礼	任光培
编 辑	茶山青	熊静华	
校 对	任光培	茶山青	熊静华

目 录

王复生在大理省立二中求学时的日记	
..... 编选	何玉菲(1)
王德三童年故事	王耀庚(43)
王德三遗物轶事	王耀庚(49)
徐霞客两次游祥云	郑允昌(56)
图片 清华古洞	摄影 熊树凡
路承熙的《云南县竹枝词二十首》	
..... 供稿	王友志(59)
祥云古八景及其它	王学俊(63)
李佩兰的《旷怡楼序》.....	供稿 李成森(71)
《旷怡楼序》注释	郭 城(74)
祥云古墓	郑允昌(77)
图片 大波那铜棺墓铜棺	供稿 郑允昌
图片 水目山北岗墓塔林	摄影 刘从礼
水目寺墓塔林	刘从礼(82)

董齐元给莫尼中尉亲属的一封信

..... 供稿 董 藩(84)

图片 董齐元给莫尼中尉亲属一封信的影印

图片 莫尼中尉纪念标落成典礼

供稿 董 藩

图片 参加莫尼中尉纪念标落成典礼者合影

供稿 董 藩

抗日战争时期华严长途台秘闻 .. 杨 春(91)

难忘的远征军生活 口述 王开吉(96)
整理 王耀庚

解放前的水口伤兵医院.....

..... 口述 靳恩庭等(102)
整理 张家宽

魏荃友参加起义前后 普之宝(105)

边纵八支队总部电台始末 曹玉品(109)

解放前夕的五乡镇治安委员会.....

..... 口述 邹文正等(113)
整理 张家宽

祥云集市史话 陈家祥(115)

祥云城历史上的商号 杨光照(122)

昔日的前所街 张家宽 曹 润(132)

下庄街的变迁 普之宝 王学义(136)

图片 局部保留着原模样的下庄街

摄影 熊静华

祥云县度量衡检定分所概况 李增亮(142)

清朝后期祥云县的度量衡管理 ... 李增亮(147)

祥云烤烟史略 曾祥溶(151)

祥云酱辣子由来 茶山青(155)

祥云华侨史简况 张朝曾(157)

米甸地区的古驿道和马帮 熊静华(168)

图片 米甸石楼梯一带的古驿道

摄影 刘从礼

赶马调 搜集整理 张家宽(172)

祥云早期邮电略述 杨端志(175)

解放前祥云的医疗堂所.....

..... 赵作军 阮光荣(179)

祥云历史上的鼠疫与霍乱

..... 资料提供 阮光荣
整 理 茶山青 (183)

民国中期米甸地区的匪患 吴 谨(189)

图片 米甸街桥头村 摄影 茶山青

图片 米甸街一角 摄影 任光培

图片 黄草哨村 摄影 刘从礼

王 复 生

在大理省立二中求学时的日记

(1914年3月16日——7月6日)

编选 何玉菲

审校 李 明

三 月

十六号 晨起稍迟，以睡陷于熟，不闻起床号音，至出操号鸣时始疾起奔外站队。雨雪交霏，寒不可遏，北风甚烈，黑衣变白，因免操焉。餐前畏寒，御之以火，故不暇及学。食后上课，代数繁难，无甚兴趣。上英文时，自起从兹发奋自新观念。后偶阅客岁七月某号日记，见余暑假省亲归校旅次定西岭时，见守军之骄纵，因叹谓果他军亦骄恣乃尔。民国殆不可三稔，而吾属为虏矣。不及半载，而果有榆军之叛①，波及学校，殃及吾邑。余命几不保，已履危险者二次。此不得不责余之不明，祸在眉睫亦不自知。然余之于伊，亦云德矣厚矣。伊虺蛇为心，豺狼成性，早萌逆心，不臣在即，而余尚假以三载。不遽轻之，岂不厚欤？不遽藐之，岂不德欤？斯日，入复即矣，犹尚霏雪。时候爽异，亦从未睹面

之奇观矣。

[注:]①指唐继尧镇压云南大理杨春魁领导的新军起义，史实见谢本书主编《西南军阀史》第一卷87——90页。

十七号 天气严寒，甚昨。课毕后与友闲谈国事，故急于自修，后当戒之。凡自修时不可以暇及情事故害之。

十八号 晨起，酷冽似昨，日中甚宜。开窗一眺，苍山积雪，一片如银。加以日光照射，煌白反映，相济为美。呈色吾目。目为之一皀，心为之一爽。因自谓：读子之心不当清如是耶，洁如是耶，明如是耶？

十九号 夜不成寐，因夕观友人国文改本，自耻不若人故也。自当愤。

二十号 作文无甚兴趣，实多抱愧。后往景中张教务长府吊丧。既围席，有友言，为人当如此克绪[绍]箕裘。张君学成，故能博得英俊，以表彰其母，询可谓象贤矣。余心亦为之激动怀羨焉。

二十一号 本日无甚新故。夕时自习，亦无甚心得(自愧与)。

二十二号 是日为礼拜日。日中无聊，气滞神倦。因与同乡某君肆游襄城，游及南城雉，暂憩。遥望故乡，风景非昔，思乡观念有油然不能已于心者。昔狄公过山，遥见山外白云，因注曰：“吾亲其在白云间乎！”今吾忆及，亦遥指吾里方位曰：吾亲亦在彼白云下矣！

然狄公已立，故得弃职而隧思亲哀眷。顾余，则学只皮毛，未知何日砥就。眷念之怀，有亦无方，徒增恚耳。悲夫！

二十三日 终日融融，令余有惜春之怀。昔杜工部因惜春而春日谣以作。余今读之，尚喟然而自嗟我躬之不逮，且惧我躬之后步焉。其辞曰：

春日至，春色丽。堤边杨柳绿，杏花红似醉。暇日出东郊，东郊多乐事。游客竞寻春，迢迢望南山，路远莫之至。行行重行行，千里亦云易。吾曹方读书，读书亦如是。

春日迟，春光归。江南草木长，众鸟相与飞，相彼桃李花，灿然扬光辉。过时而不可采，将随秋草萎。愿君惜寸阴，为学当及时。年华如逝水，一去不可返。少壮不努力，老大徒伤悲。

吾今惜春、惜景色气郁也，亦吾之性所也。然当移而效工部之惜其大者，其大维何惜时努力是也。

二十五号 午前六时，庶务处审讯三窃盗于中天井，弗得其实，笞责于阶。余闻将刑，先行辟易，既至堂，卷甫开，而痛忍之声，已达于耳，恻于心，为之释卷而叹。然余之释卷叹息，民生，其大原因也。若曰恻隐之心，人皆有之，谓余发于恻隐之心，固亦余之性分然，其末也。古称法令滋章，盗贼多有。近年以来，饥馑频臻，而兵戈日蹙。曩日除满，虽未折一弦、未绝一矢，而元气已耗，且民权虽张，而民生未苏。关税、粮股，增

益无已，外债负担，日甚一日。政府诸员，目纷不理。徒耗帑弊[币]，民不堪命，非今而何。昔日翘首待治之民，今已心灰。苍苍蒸民，饥寒交迫。泱泱大陆，风云变幻。无上治期，无求生途。勿忽乎，市窃之乡也。呜呼！抱负民生主意者，今已奔走无暇矣。后之君子，其有继起者乎？吾将引领翹目以待。

补遗二十四日 本有感可记，以夕诵读吊古战场文有兴而遗忘日记，今已失真(后当戒之)。

二十六日 本日午后，出外送前死难志友王溯周、陈民彝二君之柩出殡。餐后整队出发，经大街出北门，迤邐至两烈祠门前作奠，以二君之柩停于此，故礼行二鞠躬。既毕，其亲眷答礼，亦以次竣，遂前引导故路入城出西门外。是日也，挽联蔽天，乐鼓喧天，炮音震帘，~~度~~声略略，送者、观者几以万计，亦极一时之盛焉。然余日昨尚以惜时自律，兹不惜三勾[句]钟之牺牲而送二君者，求安于我心也。睹情生悲，为二君怜，为二君之母父亲兄弟妻子伤，复为我昨岁君死难时悲欲下泪者数矣。及抵校，伤惨之情尚有不能已于心者。呜呼！曷造物之不仁，役吾于鱼狗，使余日处乎伤心惨目之域。昨悲二窃之不幸，念及民国前途可危，叹及砥柱中流之无，非人情丝犹存，而今日复有是悲观，是余之悲观不知何日已矣。

二十七日 课余散步北郊，登雒一眺，但见青天高远，树稀苍山，雪莹洱水，奔泻郊外，麦浪一碧万顷

，山表野花，点缀雪畔，南风拂拂，鸟啭嚶嚶，真有心旷神怡之感。

二十八日 下午休息外出，予因抄书未暇，然是日为大街期，心神迫于外出访亲友寻乐，而心不在书文焉，故心溢神散，书多错乱，终有投笔游之叹。呜呼！理不胜欲，其如斯乎。苟非理势完足，其不为物俗所战胜者几希矣。

二十九日 是日为星期休沐日，一事无就，辜负终日。

三十号 课毕，散步校后花山，路经后九寮，目及余昨岁枪林弹雨中避难之楼梯下，心寒发竖，嘘嗟不已。后读揣古文，略有心得。

三十一号 庸事无记，惟晨起早操时教师率领外出登城垣一游，清爽无匹。然予稍有失德，怀恨于心，已记入忏悔录中求悛。

四 月

一号 晨起，诣大讲堂行礼。礼毕，随即开新班始业式。校长训以立志服从自治及刻苦勤学。夫学业之刻苦，非若为他事时，可忍一时之勤苦，事就即眠而如矢，学业则不然，必始勤终勉。日日如斯，年年如斯。非可忍一时之勤苦，一蹴而就也。故立志勤苦一时易，誓行之以继续，心实难焉。四要件。

二号 庸事无足记者。

三号 本日夕，闻黑死病甚行于国外，死者接踵。校中亦有染此症者，予形神为之悸栗。虽有所怀，亦无意记矣。

四号 本日晨起，精神为之一顿，旧恙因之复作。日昨自习时，偶有黑死病之谣，举校喁喁，有将行解散旋里辟染之势，惟限于日暮途远，不果其行。余亦为之忧悸成疾。呜呼痛哉，予曷不幸，而颠连至于此极耶！概自旧岁遭杨逆之变，惠及眉睫。予心惊胆裂，畏死之心，防祸之心，交战胸次，祛之不能已。以后脑海中片刻不释，日有风声鹤唳草木皆兵象现，少有波动，便生战兢观念，汲汲恐祸已者数矣。方余北来时未及校，一日，有造予旅次，以言予曰：榆军将复叛。予意犹豫，弗敢即断真妄。至关，见有造谣生事之布告，予始信有其事。以后虽日处校中，片刻不悻，恐榆军复叛，罹忧及予。惑解未久，复有是骇，不知予疾何日已也。呜呼痛哉！

五号 本日礼拜，在堂抄补英文，以故减少产冶游时间，亦大快心日也。

六号 晨起，精神萎顿，日昨服药，元气销蚀故也。

七号 课毕外出，流连时余，始返校。本日虚磨时日，因循自力也。餐后暇时，予阅《伊索寓言》一书，见父告女以勉行可以弥容颜丑嫫一语，不禁谓然曰：嗟呼！貌不如人曷可掩，唯修德以可掩。有德则貌虽嫫

人亦见其为媿也。噫！此古人之所以争娶丑妇而其重在乎德也。

八号 记吾人现今后日有一最重要当注意之大问题甚可忧焉，即不名誉无知识之叛乱是也。今试执途人而询之曰：现世女所崇拜之伟人维何，必僉曰孙、黄。则是虽妇孩脑海中孙、黄之名誉已轰震无不遍矣。间有一二野心家今时号召为乱易，也可忧焉。夫孙、黄首倡革命时，联络哥老会分子，其流弊遂致于今日。时有匪徒假二公名义号召煽乱，然其咎不在二公也。二公之联络哥老会徒不得已也。当清之季，专制手段森严无既，对于革命党特为尤甚。二公斯时既无其位，又无其力。欲举事也，岂不戛戛乎难哉！且欲举事则羽势不可不众，而当时复不敢明目张胆号召同胞，顾吾国民中分子占大部分者为哥老会徒，概自郑成功倡哥老会于台湾后，此风浸入廿余行省外，无处无其势力，故联络之，以张吾势力而图成功。夫孙、黄岂不知哥老会分子半系游手之辈，不能襄赞吾志。其所以如此者，不得已也。且斯会分（子）未必尽皆无识游民乎！清末叶，举事不克者数矣。死志者半属博识志士、怀才君子。而哥老会徒亡命者亦不乏人，可见哥老会中志士亦复不少焉。旧岁河南、江苏、浙江、福建、巴蜀及榆郡之叛，虽属哥老会之滥觞，然亦属乎改革，建新建之公例而不可逃焉。世界革命最烈、次数最多者，首推乎法，综其原因，约有二端，未革命前，元（以下缺）

九号 抄 岁岁别诸生

归子慕作

惻惻不可道，临岐但依依。
常恐语言多，貌胜中情微。
感之寒色厉，北风吹尔衣。
岁暮家室情，各各念尔归。
群居虽云乐，人情谅难违。
所患不同心，不患相见稀。
尼父重九要，如醴久已非。
勗哉仪先民，雅道庶可几。

插秧女

陈文述作

朝见插秧女，暮见插秧女，
雨淋不知寒，日炙不知暑。
两足如凫^几，终日在烟渚，
种秧一亩宽，插秧十亩许，
水浅愁秧枯，水深怕秧腐，
高田已打麦，下田还种黍，
四月又五月，更盼分龙雨，
襦襦置道旁，有几不暇乳。
始信盘中餐，粒粒皆辛苦。

此当与李公垂悯农诗并读。

鹤 叹

苏轼作

园中有鹤驯可呼，我欲呼之立坐隅。
鹤有难色侧睨予，岂欲臆对如鹄乎。
我生如寄良畴孤，三迟长胫阁瘦躯。
俯啄少许便有余，何至以身为子娱。
驱之堂上立斯须，投以饼餌视若无。
嘎然长鸣乃下趋，难进易退不我如。

少 年 行

孙枝蔚作

少年不读书，父兄佩金印，子弟乘高车。少年不学稼，朝出乌衣巷，暮饮青楼下。岂知树上花，委地不如蓬与麻。可怜楼中梯，枯烂谁论高与低。尔父尔兄归黄土，尔今独自立门户，尔亦不辨亩东西，尔亦不能学商贾。时衰运去繁华歇，年年大水伤禾黍。旧时诸青衣，散去知何所。簿吏忽升堂，催租声最怒。相传新使君，怜才颇重文。尔曹不识字，张口无所云。鬻田田不售，哭上城东坟。昔日少年今如此，地下贵人闻不闻。